

- b) doprinosi za PIO/MIO, zdravstvo i osiguranje od nezaposlenosti i poreske obaveze na iznos neto plaće u skladu sa zakonom;
- c) naknada dodatno angažovanom osoblju isključivo za podjelu toplog obroka na punktovima za podjelu toplog obroka (u daljnjem tekstu: punktovi) (100,00KM),
- d) sanitarni pregledi angažovanog osoblja koje radi u kuhinjama odnosno dodatno angažovanog osoblja na punktovima (5,20 KM),
- e) osiguranje dodatno angažovanog osoblja od nezgode za vrijeme rada na punktovima (7,00 KM),
- f) radna odjeća i obuća osoblja uposlenog na pripremi toplog obroka i uposlenih na punktovima (20,00 KM).

Član 3.

(Materijalni troškovi)

- (1) Materijalni troškovi vezani za pripremu toplog obroka po korisniku su:
 - a) energenti (struja i plin) i voda za pripremu toplog obroka (1,10 KM),
 - b) gorivo za prevoz hrane od dobavljača do magacina kuhinje (0,15 KM),
 - c) održavanje, osiguranje, registracija, vanredni tehnički pregled vozila za prevoz hrane od dobavljača do magacina kuhinje (0,15 KM),
 - d) materijal za održavanje higijene prostora i posuđa u kuhinji (krpe, zogeri, spužvice, metle, deterdženti, žice za posuđe, truleks, toaletni sapun, sredstva za dezinfekciju) (0,20 KM),
 - e) sredstva za dezinfekciju radnih površina i posuđa u kuhinji (0,15 KM),
 - f) tekuće održavanje prostora, opreme i inventara kuhinje (prostor, kazani, transportno posuđe, instalacije, hladnjaci i ostala oprema) (0,25 KM),
 - g) zakup prostora sa rashladnim uređajem za dugoročno uskladištenje mesa, u skladu sa raspoloživim sredstvima.
- (2) Materijalni troškovi vezani za distribuciju toplog obroka po korisniku su:
 - a) energenti (struja i plin) i voda na punktovima (0,80 KM),
 - b) gorivo za prevoz hrane od kuhinje do punktova (1,20KM),
 - c) održavanje, osiguranje, registracija, vanredni tehnički pregled vozila za prevoz kuhane hrane do punktova (0,35KM).
- (3) Materijalni troškovi vezani za održavanje higijene kuhinje i posuđa na punktovima po korisniku su:
 - a) materijal za održavanje higijene prostora i posuđa na punktovima (krpe, zogeri, spužvice, metle, deterdženti, žice za posuđe, truleks, toaletni sapun, sredstva za dezinfekciju) (0,40 KM),
 - b) sredstva za dezinfekciju radnih površina i posuđa na punktovima (0,15 KM),
 - c) tekuće održavanje inventara i opreme na punktovima (0,10 KM).
- (4) Materijalni troškovi vezani za kontrolu hrane su:
 - a) obaveze o kontroli hrane i radnih površina kuhinje po važećim propisima (74,00 KM mjesečno),
 - b) obaveze o kontroli hrane i radnih površina na punktovima po važećim propisima (za jedan punkt 37,00 KM mjesečno),
 - c) obaveze vezane za sanitarnu ispravnost vozila za prevoz kuhane hrane po važećim propisima (za jedno vozilo 30,00 KM mjesečno).

Član 4.

(Rodna neutralnost izraza)

Izrazi koji se koriste u ovoj uredbi, a imaju rodno značenje koriste se neutralno i odnose se jednako na muški i ženski rod.

Član 5.

(Doznačavanje sredstava)

Sufinansiranje/finansiranje troškova iz čl. 2. i 3. ovog pravilnika vršit će se prema odobrenim sredstvima u Budžetu

Kantona Sarajevo sa pozicije Ministarstva za rad, socijalnu politiku, raseljena lica i izbjeglice Kantona Sarajevo.

Član 6.

(Prestanak važenja ranijeg pravilnika)

Stupanjem na snagu ovog pravilnika prestaje da važi Pravilnik o sufinansiranju/finansiranju troškova rada javnih kuhinja ("Službene novine Kantona Sarajevo", broj 18/07).

Član 7.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo", a primjenjivat će se od 01.11.2019. godine.

Broj 1304/2-02-35087/19

08. novembra 2019. godine
Sarajevo

Ministar

Malik Garibija, s. r.

Ministarstvo unutrašnjih poslova

Na osnovu čl. 21. stav (5) tačka a) i 23. stav (3) tačka d) Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16. 26/19 i 31/19), člana 127. tačka m) i člana 74. stav (4) Zakona o policijskim službenicima Kantona Sarajevo ("Službene novine Kantona Sarajevo", br. 38/18 i 26/19), na prijedlog policijskog komesara, ministar unutrašnjih poslova Kantona Sarajevo, donosi

PRAVILNIK

O PRIVREMENOM EKSTERNOM PREMJEŠTAJU POLICIJSKIH SLUŽBENIKA UPRAVE POLICIJE MINISTARSTVA UNUTRAŠNJIH POSLOVA KANTONA SARAJEVO

POGLAVLJE I - OPĆE ODREDBE

Član 1.

(Predmet)

Ovim pravilnikom uređuje se postupak privremenog eksternog premještaja policijskih službenika Uprave policije Ministarstva unutrašnjih poslova Kantona Sarajevo (u daljem tekstu: Uprava policije) u drugi policijski organ u Bosni i Hercegovini.

Član 2.

(Privremeni eksterni premještaj)

Policijski službenik može biti privremeno eksterno premješten u drugi policijski organ u Bosni i Hercegovini na upražnjeno radno mjesto u okviru istog čina.

POGLAVLJE II - SLUČAJEVI I POSTUPAK PRIVREMENOG EKSTERNOG PREMJEŠTAJA

Član 3.

(Saglasnosti)

Privremeni eksterni premještaj moguć je samo uz saglasnost policijskog službenika i policijskog komesara.

Član 4.

(Slučajevi privremenog eksternog premještaja)

Privremeni eksterni premještaj policijskog službenika moguć je u slučajevima:

- a) postojanja potreba policijskog organa, drugog tijela i institucije koja traži takav premještaj za vršenje poslova koji zahtijevaju policijske ovlasti;
- b) postojanje potrebe stalnog osiguranja ličnosti ili zgrada;
- c) postojanja potrebe za davanjem procjene ili savjeta u vezi sa policijskim poslovima.

Član 5.

(Trajanje privremenog eksternog premještaja)

Privremeni eksterni premještaj ne može trajati duže od četiri godine, a može se obnoviti samo u drugom uzastopnom periodu.

Član 6.
(Zahtjev)

- (1) Zahtjev za privremeni eksterni premještaj dostavlja se Upravi policije od strane rukovodioca policijskog organa u Bosni i Hercegovini koji potražuje policijskog službenika.
- (2) Zahtjev za privremeni eksterni premještaj mora sadržavati razloge za potražnju policijskog službenika, naziv radnog mjesta za koji se traži premještaj, vremenski period trajanja eksternog premještaja i saglasnost rukovodioca policijskog organa u Bosni i Hercegovini da prihvata da postupi u skladu sa obavezama navedenog organa propisanim u članu 9. ovog pravilnika.

Član 7.
(Odabir)

- (1) Policijski komesar izvršit će odabir policijskog službenika i to neposrednim izborom.
- (2) Policijski službenik daje svoju pismenu saglasnost na privremeni eksterni premještaj.
- (3) U slučaju da policijski službenik nije saglasan sa upućivanjem na privremeni eksterni premještaj, policijski komesar će izvršiti novi odabir policijskog službenika u skladu sa kadrovskim mogućnostima.

Član 8.
(Rješenje o privremenom eksternom premještaju)

- (1) Nakon što policijski službenik da svoju saglasnost za privremeni eksterni premještaj, policijski komesar o privremenom eksternom premještaju donosi rješenje, koje treba da sadrži:
 - a) ime i prezime policijskog službenika sa ličnim podacima;
 - b) radno mjesto, poziciju, odnosno dužnost na koju se vrši premještaj;
 - c) vremensko trajanje premještaja;
 - d) prava i obaveze po osnovu rada i statusa koja proističu iz privremenog eksternog premještaja, uključujući i pravo na povratak na rad u Upravu policije na odgovarajuće radno mjesto za koje ispunjava propisane uvjete.
- (2) U slučaju da policijski komesar nije saglasan sa privremenim eksternim premještajem, o navedenom će obavijestiti policijski organ koji je uputio zahtjev za privremeni eksterni premještaj.
- (3) Policijski komesar nije dužan posebno obrazlagati razloge zbog čega nije saglasan sa privremenim eksternim premještajem.

Član 9.
(Prava i obaveze)

- (1) Tokom trajanja privremenog eksternog premještaja, prava i obaveze iz radnog odnosa policijskog službenika u policijskom organu miruju, a svoja prava iz radnog odnosa, osim prava na unapređenje, ostvaruje u policijskom organu u koji je privremeno premješten.
- (2) U toku trajanja privremenog eksternog premještaja organ u koji se policijski službenik premješta dužan je po službenoj dužnosti voditi računa o postojanju uslova o prestanku radnog odnosa policijskog službenika zbog navršavanja 65 godina života i najmanje 15 godina staža osiguranja, odnosno najmanje 20 godina penzijskog staža ili navršavanja 40 godina staža osiguranja bez obzira na godine života.
- (3) U slučaju postojanja činjenica iz stava (2) ovog člana, organ u kojem je policijski službenik privremeno eksterno premješten dužan je odmah obavijestiti Upravu policije o navedenom i vratiti policijskog službenika u Upravu policije, radi poduzimanja aktivnosti koje se odnose na osnove prestanka radnog odnosa shodno odredbama Zakona o policijskim službenicima Kantona Sarajevo ("Službene novine Kantona Sarajevo", br. 38/18 i 26/19).

POGLAVLJE III - PRELAZNE I ZAVRŠNE ODREDBE

Član 10.

(Ravnopravnost spolova)

Gramatička terminologija u ovom pravilniku podrazumijeva ravnopravno korištenje i upotrebu riječi oba spola.

Član 11.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 01-7-05-3229/19
14. novembra 2019. godineMinistar
Admir Katica, s. r.

Na osnovu čl. 21. stav (5) tačka a) i 23. stav (3) tačka d) Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19 i 31/19), člana 127. tačka 1) i člana 72. stav (3) Zakona o policijskim službenicima Kantona Sarajevo ("Službene novine Kantona Sarajevo", br. 38/18 i 26/19), na prijedlog policijskog komesara, ministar unutrašnjih poslova Kantona Sarajevo donosi

PRAVILNIK

**O POSTUPKU IZBORA I ZAPOŠLJAVANJA
POLICIJSKIH SLUŽBENIKA IZ DRUGIH
POLICIJSKIH ORGANA U BOSNI I HERCEGOVINI U
UPRAVU POLICIJE MINISTARSTVA UNUTRAŠNJIH
POSLOVA KANTONA SARAJEVO**

POGLAVLJE I - OPĆE ODREDBE

Član 1.

(Predmet)

Ovim pravilnikom utvrđuje se postupak izbora i zapošljavanja policijskih službenika iz drugih policijskih organa u Bosni i Hercegovini u Upravu policije Ministarstva unutrašnjih poslova Kantona Sarajevo (u daljem tekstu: Uprava policije).

Član 2.

(Primjena)

- (1) Uprava policije može putem javnog konkursa zapošljavati policijske službenike koji su trenutno zaposleni u nekom drugom policijskom organu u Bosni i Hercegovini u sve činove isključujući činove policajca i mladeg inspektora, samo ako internim unapređenjem nije moguće popuniti upražnjena radna mjesta za koje su propisani posebni uslovi u skladu sa Pravilnikom o unutrašnjoj organizaciji Ministarstva unutrašnjih poslova Kantona Sarajevo.
- (2) Policijski službenik se može zaposliti u Upravu policije u istom činu koji je imao u policijskom organu u Bosni i Hercegovini u kojem je prethodno bio zaposlen.

Član 3.

(Opšte osnove za zapošljavanje)

- (1) Uprava policije zapošljava najbolje prijavljene kandidate, te osigurava da se kandidati koji ne ispunjavaju uslove isključivo iz procesa.
- (2) Zapošljavanje policijskih službenika zasniva se na:
 - a) raspoloživosti radnih mjesta;
 - b) javnom konkursu;
 - c) prethodnom utvrđivanju uslova;
 - d) transparentnom procesu odabira.

**POGLAVLJE II - POSTUPAK PROVOĐENJA JAVNOG
KONKURSA I NAČIN RADA KOMISIJE ZA IZBOR,
SADRŽAJ, ROKOVI, NAČIN I BODOVANJE TESTIRANJA**

Član 4.

(Postupak izbora i zapošljavanje policijskih službenika iz drugih policijskih organa u Upravu policije)

- (1) Postupak izbora i zapošljavanja policijskih službenika iz drugih policijskih organa u Upravu policije vrši se putem javnog konkursa.